

小錦下坂合部宿禰石敷功田六町奉使唐國漂著賊洲橫斃可矜稱功未愜依令下功合傳其子正五位上大和宿禰長岡從五位下陽胡史真身並養老二年修律令功田各四町外從五位下矢集宿禰虫麻呂外從五位下鹽屋連吉麻呂並同年功田各五町正六位上百濟人成同年功田四町五人並執持刀筆刪定科條成功雖多事匪匡難比校一同下毛野朝臣古麻呂等依令下功合傳其子條以上一十四條當今所定

〔續日本紀二十〕天平寶字二年八月甲子以紫微內相藤原朝臣仲麻呂任大保勅曰略更給功封三千戶功田一百町永為傳世之賜以表不常之勳

〔續日本紀二十六〕天平神護元年三月辛丑賜從三位和氣王功田五町從四位上大津宿禰大浦十五町

〔續日本紀二十七〕天平神護二年二月丁未賜從三位山村王功田五十町從四位上日下部宿禰子麻呂從四位下坂上大忌寸苅田麻呂佐伯宿禰伊多知正五位上淡海真人三船從五位上佐伯宿禰三野五人各二十町從五位下紀朝臣船守外從五位下民忌寸總麻呂二人各八町並傳其子

〔日本後紀五〕延曆十六年二月辛未勅故從三位勳二等坂上大宿禰苅田麻呂正四位上勳二等道島宿禰島足等寶字之歲卒遇不虞奮不顧身共著其効是以叙勳之日授二等加賜功田廿町並傳其子而後特以島足准之大功所賜之田世々不絕功既同等賞何殊科疇庸之典恐有未允宜其島足功田依前年勅同傳子之限

〔日本後紀八〕延曆十八年二月乙未贈正三位行民部卿兼造宮大夫美作備前國造和氣朝臣清麻呂略延曆十七年上表請骸骨優詔不許仍賜功田廿町以傳其子孫

〔扶桑略記二十五〕天慶三年三月九日乙亥即賞藤原秀鄉叙從四位下兼賜功田永傳子孫更追兼任下野武藏兩國守

〔公卿輔任六〕仁安二年亥丁